

Jöfnunarálag skal lagt á tollverð álagsskyldra vara eins og það er ákveðið samkvæmt ákvæðum laga nr. 120/1976 um tollskrá o. fl.

2. gr.

Jöfnunarálag skal innheimt með aðflutningsgjöldum við tollafgreiðslu álagsskyldra vara og skal gerð grein fyrir jöfnunarálagi í reit 25 í aðflutningsskýrslu.

3. gr.

Að því leyti sem eigi er ákveðið í reglugerð þessari um jöfnunarálag, úrskurð um flokkun til álagsskyldu, álagningu, innheimtu, veð, sektir, viðurlög, refsingar og aðra framkvæmd varðandi jöfnunarálag af innfluttum álagsskyldum vörum skv. 1. gr. skulu gilda, eftir því sem við geta átt, ákvæði laga nr. 120/1976 um tollskrá o. fl., laga nr. 59/1969 um tollheimtu og tolleftirlit og laga nr. 47/1960 um tollvörugæmslur o. fl. með áorðnum breytingum svo og reglugerða og annarra fyrirmæla settra samkvæmt þeim.

4. gr.

Hafi innflytjandi fyrir 1. janúar 1982 afhent til tollmeðferðar aðflutningskjöl yfir vöru sem jöfnunarálag skal innheimta af samkvæmt reglugerð þessari og skjölin eru að öllu leyti fullnægjandi til þess að unnt sé að tollafgreiða viðkomandi vöru þegar í stað, skal varan tollafgreidd án greiðslu jöfnunarálags, en þó því aðeins að tollafgreiðslu sé lokið fyrir 9. janúar 1982.

5. gr.

Reglugerð þessi, sem sett er skv. 32. gr. laga nr. 120 31. desember 1976 um tollskrá o. fl. með síðari breytingum, sbr. 1. gr. laga nr. 83/1981 um breyting á þeim lögum, öðlast gildi frá og með 1. janúar 1982.

Fjármálaráðuneytið, 30. desember 1981.

Ragnar Arnalds.

Höskuldur Jónsson.

AUGLÝSING

um innborgunarreglur.

Á grundvelli 1. gr. laga nr. 63/1979 um skipan gjaldeyris- og viðskiptamála hefur viðskiptaráðuneytið í samráði við Seðlabankann ákveðið, að við gjaldeyriskaup eða innlausn skjala í banka skuli greiða 35% af innlausnarverði vöruskjala vegna kaupa á erlendum húsgöngum, innréttingum, gluggum og hurðum í eftirfarandi tollskrárflokkum:

44.23.02	94.01.19	94.03.19	94.03.24
44.23.03	94.03.12	94.03.21	94.03.29
94.01.13	94.03.14	94.03.22	94.03.31
94.01.14	94.03.15	94.03.23	94.03.32

Gjaldeyrisviðskiptabankarnir skulu greiða innborgunarféð jafnóðum inn á reikninga við Seðlabankann og skal það vera bundið þar í 90 daga.

Af innborguðu fé verða greiddir sömu vextir og greiddir eru af innstæðum í almennum sparisjóðsbókum í innlánsstofnunum.

Óheimilt er að tollafgreiða ofangreindar vörur nema kvittun fyrir greiðslu innborgunarfrjár sé sýnd eða afrit af henni.

Ekki skal krafist innborgunar af lægri fjárhæð vöruskjala en 1 000 krónum. Innborgunarfrjárhæð miðast við hver einstök gjaldeyriskaup eða afgreiðslur.

Ofanskráðar reglur gilda frá 1. janúar til 31. desember 1982.

Viðskiptaráðuneytið, 28. desember 1981.

Tómas Árnason.

Pórhallur Ásgeirsson.

GJALDSKRÁ

fyrir afnot flugvalla.

1. Gildissvið.

- 1.1 Gjaldskrá þessi gildir fyrir afnot flugvalla á Íslandi, annarra en Keflavíkurflugvallar.
- 1.2 Gjöld fyrir millilandaflug verða innheimt fyrir afnot flugvalla við Akureyri, Egilsstaði, Hornafjörð, Reykjavík og Sauðárkrók.
- 1.3 Gjöld fyrir innanlandsflug verða innheimt fyrir afnot flugvallanna við Akureyri, Egilsstaði, Hornafjörð, Húsavík, Ísafjörð, Patreksfjörð, Reykjavík, Sauðárkrók og Vestmannaeyjar.

2. Lendingargjöld.

- 2.1 Fyrir hverja skráða landingu loftfars í millilandaflugi á flugvöllum, sem upp eru taldir í gr. 1.2., skal greiða gjald samsvarandi 4,80 Bandaríkjadöllum fyrir hver byrjuð 1000 kg af þunga þess.
- 2.2 Fyrir hverja skráða landingu loftfars í innanlandsflugi á flugvöllum, sem upp eru taldar í gr. 1.3., skal greiða kr. 3,10 fyrir hver byrjuð 1000 kg af þunga þess.
- 2.3 Fyrir notkun flugvallar utan auglýsts þjónustutíma er innheimt tvöfalt landingargjald, og er lágmarksgjald þá kr. 46,00

3. Stæðisgjald.

- 3.1 Stæðisgjald er ekkert fyrir fyrstu 6 klst.
- 3.2 Fyrir næstu 24 klst., eða brot þar af, skal fyrir loftfar í millilandaflugi greitt stæðisgjald samsvarandi 1,20 Bandaríkjadöllum fyrir hver byrjuð 1000 kg af þunga þess.

4. Undanþágur.

Eftirfarandi undanþágur eru veittar frá landingar- og stæðisgjöldum:

- 4.1 Loftför í sjúkraflugi eða leitar- og björgunarflugi.
- 4.2 Loftför, sem verða að snúa við til brottfararflugvallar vegna veðurs eða annarra orsaka.
- 4.3 Loftför, sem lenda eftir að hafa farið þrófflug eftir viðgerð, enda hafi ekki verið lent á öðrum flugvelli.
- 4.4 Loftför, sem eingöngu flytja erlenda þjóðhöfðingja eða aðalframkvæmdastjóra Sameinuðu þjóðanna og fylgdarlið þeirra.
- 4.5 Eins-hreyfils loftför í innanlandsflugi, sem ekki hafa skráð fleiri en fjögur sæti.
- 4.6 Loftför í eigu íslenska ríkisins eða rekin af því.
- 4.7 Að öðru leyti er flugmálastjórn heimilt að fella niður landingar- og stæðisgjöld þegar sérstaklega stendur á.